





馬鞍山人詩草

元日

蕭疎一雨入新年  
碧瓦玲瓏裊濕烟  
萬事輸人今讓  
我詩成蚤占曙光先

又作

鳥鳴春色蚤  
春徑滿春烟  
不信春梅樹  
春花放兩年

雨曉

寒鐘初斷雲際幽  
夢乍迴蚤鴉不知夜  
聞風雨吹落  
幾樹梅花

憎蠹詠



舊衣亂蒙茸緣縫生蟣蝨晝夜息深深盤踞成窟宅  
或言汗垢身或去布毛脚生生由化生積漸等土著  
瓜瓞綿子孫族黨相聯絡飽藉人血腥煖倚人氣爍  
飽煖皆依人那顧人肥瘠臭雖勝蟹馨奸乃同蚤黠  
瑣瑣姑暇肌搔爬癢徹骨憤恨向藥燈火攻資下策  
線斷綻頓開破裂那暇恤本非噬臍憂亦非燃眉急  
此心偶爾乖一旦遂過激豈不惜衣襦竟罹室人謫  
回笑顧山妻未免勞補緝安得火浣布流傳徧中國  
各各製衣衾庶絕星星跡非我計無聊顛倒涉滅裂  
緣彼繁有徒處此實相逼焉能忍耐深故縱踪叵測

老妻言何難只勞舉手力彈指笑談間碎染斑斑血  
無然羨荆公無然歆景畧事雖屬細微處置在周密  
須知物物心由來不物物渾且借鶴鷗即將彼命畢  
不待湯沐尋了之付頃刻上則搜天庭下則索地角  
盡把醜類勦毋庸判黑白敢使蔓再滋難圖悔何及

春曉謠

眾鳥啁啾競報曙滿壑雲深不知處寒飈杳杳吹鐘  
聲打斷夢魂空復情草痕綠轉芳洲路野水茫茫亂  
烟樹東皇未遣柳條青離恨難銷長短亭梅花徧地  
飛香雪一一和羹將子結酒旗茅店試燈天蕭鼓叢

祠月欲圓一樓風雨動連歲年尾年頭多阻滯春光  
極目意漫漫兩扇松門對掩寒苔錢繞徑生不了囊  
慳休怪一文小銅陵金穴總成空何似春風聽春鳥

聽雨

蕭然風雨亂深更野霧江雲共縱橫人聽隔窗愁不  
了鴈啼遙浦怨難平青燈的的燒殘夢碧醪油油解  
宿醒猛省奔雷起崖谷天公豈亦欲開晴

坐雨無聊適聞臺灣已平喜而有作

盡日飛雲報太平奔雷早已擊長鯨風清越絕三春  
夢雨洗臺灣四路兵野客莫嫌遊興阻詞人誰擬凱

歌成老夫亦自添豪氣喜向花前倒百觥

雨中春樹萬人家

帝澤深無外汪洋雨望賒頓回春樹色遙洽野人家  
碧瓦參差透朱樓掩映遮雲低連巷陌氣潤長桑麻  
綠漲堤堤水紅沉處處花有情憐乳燕無準惱啼鴉  
遠夢迷烟柳番風感物華村村知播穀濕亂徧田蛙

杏花春雨

一片空濛雨花初到杏新傳來仙苑種洗出艷陽辰  
色豈濃桃亂光隨嫩柳勻相思深巷遠消息小樓真  
好夢寒金谷離魂斷玉人屐空村店酒衣冷帝鄉塵

逸賞聊茅屋新詞自治春江南天杳杳誰感爪泥陳

春雨如膏

好雨徧江皋油油果似膏乍添鶯語滑送沁燕飛高  
淑氣初侵柳烟光欲膩桃微含看菜甲細潤到溪毛  
樹重常疑露波肥豈化醪醞醞真不啻醞釀問誰操  
味恐天漿並人忘帝力勞只今分墨汁滲液助吟毫

春望感詠

高風一夜替青鸞掃出峰峰入望寬幾處竹濃春寺  
靜誰家花落殞宮寒明知短鬢侵霜易那感長繩繫  
日難但得尊中常有酒此心翻覺向愁寬



田家雜詠

李白桃紅二月天  
東風處處鬥飛鳶  
鄉村未敢耽遊  
逸種趁清明盡落田

久雨初晴綠意酣  
溪西行過又溪南  
誰家姑嫂多歡  
樂新得吳王八繭蠶

雨夜破悶

破費浮生幾甕油  
一燈終夜照閑愁  
持家易脫塵鹽  
擔沒世難禁姓氏  
休萬古詩成悲淚海  
三山夢絕鳳鸞傳  
何堪布被寒如鐵  
坐聽瀟瀟雨滿樓

曉雨寒甚

炊烟未起鳥先鳴  
積氣茫茫雨又生  
兩手寒僵如握鐵  
千簷溜凍似懸瓊  
霰穿瓦縫參差落  
泉浸籬根頃刻平  
幸是開年花事緩  
免勞辛苦祝天晴

南樓雨望

小立江天迴  
凭闌望不通  
僧來雲氣外  
燕至雨聲中  
犢健翻舊土  
花遲待信風  
餘寒加料峭  
只欲下簾櫳

又雨感詠

只得今朝半日晴  
蕭蕭依舊滿春城  
雲光極目常迷壑  
柳色連天欲老鶯  
好友幾虛燒筍約  
新詞空譜踏莎行  
中年未到多惆悵  
那盡中年以後情

遲梅

特立乾坤不受私  
遲開烏肯怨春遲  
依然得氣逢佳日  
一樣和羹有好兒  
桃李自應慚色俗  
蝶蜂何敢鬥情癡  
竹林近劇冬餘笋  
相賞真宜玉版知

雨

入春將近月一雨  
竟連年鳥已如歌  
脆風初似酒顛重  
衾終戀夢瘦骨獨  
添棉坐看峰峰濕  
非壚日起煙

春霽

竹間衆雀報新晴  
片片閑雲出岫輕  
嫩柳眉開春岫綠  
飛鴉背負夕陽明  
塗荒不斷誰通屐  
酒濁無多自

洗鑄况復梅花猶未落詩魂吟賞有餘清

寒夜獨坐至曉作

半日晴餘忽又陰峭風入夜倍寒深  
跳珠霰落鴛鴦瓦偃鐵冰生翡翠衾  
遠壑雲連三徑没孤城漏向五更沉  
山僧凍得難爲佛竟使晨鐘後鳥音

雨中雜興

闌珊夜雨復連朝到處烟扉掩寂寥  
風色隨隨吹草長鳥聲漸漸入春嬌  
閑心自足衡門地樂趣難尋陋巷瓢  
不怪江雲重擘絮惟欣潤滿求芝苗

春雨遣懷

風風雨雨亂交加  
報我無憑惱鵲鴝  
冷夢幾回銷茗  
碗春愁大半爲  
梅花烟林不隔  
昏鐘遠玉笛空  
吹暗日斜滿眼  
詩情村店酒只  
今知更屬誰家

春遊

碧嶂曙光侵桃花  
引勝尋雪泥雙  
屐滑春水一篙  
沉燕啄芹香煖  
鶯啼柳色深  
幽情憐不極  
物外感同心

雨中即事

煖爐不許峭寒侵  
盡日悲歌意叵禁  
茅屋雨深浮白  
趣翠樓春老  
踏青心名山雁  
宕空南北遠  
渡飛雲自古  
今獨有雙鷗閑  
似我佳盟誰與  
共相尋

久雨雜興

一自雷催雪陰陰果百天  
跳凡空日月蔽眼總雲烟  
冷落梨花夢因依佛火緣  
更憐何處雁流響滿荒田  
夢覺鴉啼後瀟瀟雨又聞  
山容常隱霧日色不離雲  
朽木都生菌寒齋竟有蚊  
端知天地大憾極復何云  
不獨莓苔長蓬蒿綠已肥  
靜與生客至閑有落花飛  
地僻蔬難種年荒犬亦饑  
茫茫何限思只欲掩雙扉  
斗覺春寒減初陽滿柳堤  
共歡新舊雨一旦斷紅霓  
急水流花遠殘雲鎖竹  
徑寄聲鳩與婦休更盡情啼  
已是清明過如何雨未收  
衣沾露潤重骨怯暮寒道

枳老籬將撲泥磽笋不抽那禁嵐翠氣依舊滿山流  
竹慣空山夢庭閑俗不侵高松多古色逸鳥少飛心  
草自生金薤泉還寄玉琴笑非才襪線那得事長吟  
遮莫愁無那茶甌且自親門空從鳥雀境濕絕埃塵  
石貌苔添古烟鬢翠染新若非風雨惡誰洗艷陽辰  
不信殘年雨蕭寥直到茲陰晴渾莫定斷續復何如  
水欲連橋沒雲終入戶馳昏昏惟益我一味睡相宜  
九十春光好高吟感孰同眾山遙對雨孤幌獨寒風  
草接天涯綠鶻啼屋角紅每慚千古客能遣馬蹏中  
對此韶華麗何須怨滯靈苔痕上堦淺花氣入簾深

魚盡樂春水鳥遙懷好音高山終古意會識伯牙琴  
一雨將彌月烟嵐盡日封春愁如水長好夢似雲濃  
冷續連朝火喧聞隔夜春招人烹綠雪相對更哦松  
雨足斜飛外峰猶夕照銜遠光沉島嶼新翠襲松杉  
樹鳥棲初定門蘿亂待芟不知桃漲發何處送春帆

新柳

漠漠花枝尚未春東風先向柳邊新  
淡黃淺炙鵝兒色嫩綠颺<sup>輕</sup>翅子塵  
羗笛頓銷青塞怨寒烟深入翠樓  
顰從今好養濃陰滿徧與炎天蔭  
路人

集唐絕句



江皋昨夜雨收梅歐陽抱病起登江上臺杜嬉子到

頭無信處

施肩

潛聽喜鵲望歸來

李紳

戲詠愁

少年不識愁何物但好愁追宋玉才今日始窮愁趣味推愁不去悔愁來

見白髭感作

鬢又數莖白高情終莫伸一貧能累我萬事總輸人  
那了三生夢難超億劫塵鞍山樵唱在且此寄吟身

春遊題酒家壁

幾日新晴長荻芽閑雲引我出山家村村獨樹迎門

立壑壑危峰抱郭斜才子風流寧柳絮美人命薄是  
桃花春醪味重詩狂發滿壁塗成亂蚓蛇

浪吟

三間老屋雨淋浪破寂療愁各有方長日寢教書作  
作伴半生真以睡爲鄉天容瘦骨耐烟景地遣奇峯  
抱草堂笑幸不通禽鳥語從他雙燕絮興亡

感懷

流年莫挽夕陽墮  
讖畫貪嗔賣盡  
獸綠夜難銷遊冶  
思夢中還自瘞花來

又詠

一雨迢迢送歲華寸心直以夢爲家情多底事難拘  
檢又向東風哭落花

感贈故人

相逢且莫涕滂沱放眼青山好浪歌何必尋巢憐舊  
燕不妨對酒愛新鶯春風袞袞吹人老逝水滔滔就  
下多只恐蓬蒿能笑我君歸無奈閉門何

雨中作

豈有春長在難禁雨不堪柳憐張緒老花惜寶兒憨  
過眼烟雲亂當時笋蕨甘牡丹猶未放富貴待人探

城中觀劇

月滿春城尚未圓萬花涵露夜闌干浮雲只欲沉瑤  
島暮氣猶然釀薄寒是處泥封高士徑明朝頭上野  
人盤微生似夢真如夢且逐兒曹把戲看

芍藥結苞不花與去年相似因作此以謔之

豈是栽培尚未工不花竟與去年同可憐綽約如姑  
射真遣相逢在夢中

珠囊繭栗結春餘萬古風流羨玉除想是花心趨利  
達如何肯放野人廬

我本三生杜牧之多情懺盡冶遊詞揚州十里煙如  
夢寄語尋春莫怨遲

倚徧闌干喚奈何玉盃好好續東坡可能得主花權  
柄先乞青皇十賚多

芍藥不花因作四絕以謔之忽數日間斗舒一

苞白色鮮妍香心馥郁亞於牡丹未知其有  
知耶其無知耶長吟短詠情見於辭乃復擬

芍藥十首以贈之

種花人慢怨花遲一朵新分白雪姿到座杏桃難與  
並風流未許冶春知

未花莫便把花非物貴由來重見稀今日相逢通一  
顧問天休遣化雲飛

少年宿具惜花心每對名花意不禁况得花神酬雅  
願如何肯負一枝深

一片輕烟傍晚收亭亭獨步絕無儔從今歲向花前  
祝伴我恬吟到白頭

幾回看到夕陽餘玉盞瓊盤兩不如莫是月宮修月  
戶嫦娥遙避廣寒居

濛濛夜雨滯寒烟絳蠟高烧照不眠欲與海棠相比  
例何妨續號作花顛

冰姿綽約耐人看不是蕭蕭翠袖寒如遇孤山林處  
士梅花迸向一頭攢

雪香獨自陋紅粧蜂蝶飛來不敢狂一種清幽超色  
相牡丹應亦悔姚黃

相於相謔好風清顧影重憐此際情唱徹陽春并白  
雪有誰能識意中聲

柴門兩扇對青山又恐風光去等閑獨酌一杯婪尾  
酒明年早約趁春還

留花曲

翠條裊裊碧烟柔坐愛花香意倍幽欲遣柳絲千萬  
縷朝朝替我共遮留

珊珊環佩是耶非庶事纔逢便欲歸那得花王來勸

駕相將不化綵雲飛

丰神奕奕露溥溥恍似銅仙捧玉壺思聚羅浮千蝶  
翅簇成彩帳護平安

別花詞

芳名誰遣號將離一別怎禁陽歲期萬古茫茫溱洧  
水新聲空自憶伊真  
冰心已被杜鵑催  
孤孤離裝挽不回  
但向花前暗相  
祝明年春色倍還來

續夢中作

灌園息盡漢陰機  
泄泄閑閑與俗違  
心似芭蕉空自



結才如家鴨不能飛鳥來鳥去常嗥雨花落花開獨  
掩扉却笑素交惟有月只今雲隔亦逢稀

白芍藥

花心到座妙無垠忽迸梨雲不負人綽約擬逢姑射  
女招搖如遇洛川神盤盃獨占何輸玉色相孤寡別  
殿春記否揚州殘夢覺憑誰泥雪懣緣因

賦得白芍藥

坐攬揚州譜花開恰殿春柔條含婀娜秀色斷埃塵  
蘭栗愁難放珠囊喜乍伸亭亭如有意裊裊宛相親  
夢結梨雲迥香分藥譜新微風空似謔好月欲爲鄰

品獨超紅紫根終別苦辛可憐溱洧遠何處弔詩人

拈湜齋侄看芍藥

貌把新詩日日催香苞纔得一枝開只緣獨賞無人  
和故遣兒曹報爾來

三月中梅梢頭忽生一花詩以紀異

園梅子已綠離離應事花開一朵奇想是杏桃趨冶  
俗天心特遣放同時

山樓暮眺

遠眺西疇綠暗深新晴無樹不交陰聞來好鳥猶求  
侶送到涼風乍襲襟夏雨果然生眾色山泉原自有

清音凭闌但是耽搜句不覺昏鐘逐影沉

四月初旬蚊忽驟多憎而作此

四月清和氣未炎如何蚊嘴忽如箱幽窗斗藝雄黃  
火木屑霏霏不厭添

雨久晴多釀化胎黃昏未到蚤如雷天公若肯西風  
借日與人間掃一回

苔堦寂寂夕陽微白鳥紛紛不斷飛堪笑饑來應惱  
煞逢人尚未卸綿衣

兩睫由來可作巢伏尸百萬復奚嘲而今不是心多  
怪只爲微生把候淆

夢餘榻外亂蕭騷欲倩麻姑瘞處搔  
到度緣何春際夏鷲騰騰地擾吾曹

感題

西鳥啼後亂鶯啼春色無端到柳梯  
梁燕不知人事變尋巢還向竇家迷

晴

窮山雨後絕纖塵滿閣晴光一洗新  
越水斜陽仍送客甌江苦竹那知春  
宵中明月還尋我扇上桃花自笑人  
不管物情輕又薄此心惟與酒加親

梅雨

溟濛又遇熟梅時接溜烹茶味獨知寂寂喜添春夢  
重昏昏愁入野炊遲無聊欲借奇書讀有癖難求故  
艾治不那儘同消萬古可憐終被麴生欺

漫詠

新竹成陰綠繞扉山園嵐翠動沾衣蝶翎不怕濛濛  
濕猶自穿花恣意飛

長相思

雨中

風絲絲雨絲絲催織鮮新絕妙辭老天知不知  
山光奇水光奇山水多情信有之儘將詩料支

減字木蘭花

雨景

小園關雨一片濃陰誰作主竹綠松青暗護先生睡  
未醒

落花有意滿地無聲依濕住草更多情不向池塘不  
肯生

謝張如川同學借書

不費人間酒一瓶幡然欣慰借書癡誰言渺渺仙難  
證我道空空佛亦師覺世且休憐夢重醒心先是笑  
眠邊相將共入非非想莫使生天哂客兒

贈張君如川

昔蒙同學今幸同居相同有素謬成此贈

望衡對宇尚欣然况復居鄰屋一椽幾度移梅同劇  
月更番藝菊共鋤烟笑將跌宕分名士寧向輕肥感  
少年未免輸君多眼力青燈還自讀韜鈴  
浮嵐滴翠欲沾衣何幸看山坐息機話雨牀常忘下  
上評花徑隔只東西爐烟每喜無心合谷鳥終憐盡  
意啼那得雙柑將斗酒與君日日醉如泥

曙詩

夜色向空盡明星猶在天衆鳥競曉樹曙光殫遠烟  
春至花爭迎花飛春亦還春花無終始時序有變遷  
志士挽落日聖人感逝川撫此分寸陰逐逐空流連

所以古賢智末路逃佛仙獨窮超頓悟無心不悠然

夏初漫吟

樹陰成幄竹成籠路古莓苔澁石重春意豈隨花共  
盡夏心如與草爭濃兒愚菽麥還能辨菜足糞鹽幸  
自供况復海山青不了悠然應用別扶筇

雨餘卽事

雨餘不獨洗微炎萬畝油油翠色添共喜時知甘澤  
並重欣愠解好風兼由來助長難言道自古沽名不  
是廉尚歎灌園陳仲子刻谿應被蚘螬嫌

暮景

退



淡澹涼生欲暮天  
茶餘屋外恣迴旋  
雙松合蔭青連  
徑萬稻懷新綠  
滿田人靜忽聞  
何處磬夏濃  
初鳴一聲蟬  
荒祠社鼓  
鑿鑿急競渡  
齊催上水船

睡起

夕陽又到水西亭  
此際先生夢正醒  
半世未忘惟睡  
味微緣難了  
是烟情詩慳已  
任才俱退地僻  
何妨客不停  
但愛梁間雙燕子  
群雛羽翼蚤生成

曙晴

滿徑泥融夜雨餘  
光風涼泛曙晴初  
入天石尚蒸雲  
濕穿地松還漏日  
虛俗氣不侵驩  
客坐清陰惟貯野

人廬一溪水漲余心樂何似堂堂策策魚

詠雲

遠望前山雲一片白如絮咫尺幻山中欲作山中雨  
起滅須臾間不知去何處

寄懷華林二友

夕陰澄霽帶紅暉孤佇簾前回憶君兩地又逢梅子  
熟三年重感艾旗新情深只欲如金石別久何緣似  
雨雲自恨養成疎懶拙應如吾亦厭吾貧

卽事

簾捲和風靜日長一鳩啼破綠楊涼瑤琴欲譜春心

寄坐惜仙山隔夕陽

北窗閒詠

四月清和麥已秋，怪禽啼雨綠陰稠。  
人閑處處眠黃犢，日煖家家脫翠裘。  
恨發忽生中壽想，詩成真悔少年愁。  
今尋樂趣還非晚，誓海盟山笑白頭。

夜坐偶書

蟲聲切切透窗紗，獨坐殘更自煮茶。  
塵釜盡澆功德水，不知春夢落誰家。  
竹門常倩白雲關，天與清幽一味閑。  
咏徹大州猶未曉，從他怪鳥叫空山。

紅燈不用借松肪  
絳蠟清油各自光  
笑展白團紈扇  
子洛神亂抹十三行

叢祠夜鼓不停聲  
到處龍舟逐節成  
堪嘆伯王與驂  
客只今贏得是虛名

人生容易鬢成絲  
回首光陰異少時  
豈有神仙能不  
老何如秉燭夜遊遲

風泉韻繞夜窗虛  
兩目鰥鰥笑似魚  
如果一年都一  
曉盡將心力事奇書

無那閑愁向夜消  
慣聽涼雨滴芭蕉  
生來怕作紅郎  
魔但愛長吟到會朝

蕭蕭紙閣復蘆簾獨譜新聲昔昔鹽休笑無眠同夢  
少半生知免孟光嫌

忽聞桑外有雞啼山氣侵人夜倍悽不信端陽如許  
近熟衣猶未卸殘絺

曙光乍向半天分滿壑遙鐘隔嶺雲此際欲參心不  
二幾勞擬議究何云

戲作

曛曛日出照南隅陌上柔柔爾許粗不惜雙鬢千百  
萬美人原是大秦姝  
巫雲段段倩裁縫袍襖裙衫色不重自是多情真種

子無緣頓作有緣逢

簫聲縹緲憶秦臺不是花胎即水胎好作阿嬌金屋  
貯何愁赤鳳曾飛來

新詞應用別催粧女子生來本有家但逐韓憑化蝴蝶  
蝶不知人世幾桃花

衣香人影兩風流不向盧家數莫愁唱徹花非花一  
曲惟祈長住合歡樓

詠古

楚山巫峽忒迷離暮雨朝雲變幻奇不識襄王在何  
處枉勞宋玉屬微詞

處枉勞宋玉屬微詞

玉洞桃花又滿枝  
重來春色莫言遲  
仙人不老心無恙  
應笑劉郎鬢有絲

世上由來肉眼多  
采薪無奈買臣何  
可憐莽莽山空在  
贏得仙人幾爛柯

一甌黃梁火未停  
廿年富貴飽曾經  
邯鄲道上人多少  
若作盧生夢亦醒

十四年間約太遙  
尋春遲到恨難銷  
可憐一代風流客  
不及韋家有玉簫

杳杳薜蘿綠滿山  
洞門深遠白雲關  
黃金搭膝葳蕤

鎖不鑄温韜亦等閑

謝盡塵緣便是仙何須辛苦想昇天笑他水部留餘地又爲兒孫共糾纏

坡公原是佛仙儔獨與朝雲意氣投何福三生修到此美人名士共千秋

端陽前作

端陽已近尚餘寒瘦骨嶄巖倚枕安大布黃綿猶御袷新衫白苧未被單饑腸遇粽終防冷齟齬逢梅總忌酸却笑艾人與桃梗依然相對兩相歡

端陽雨



縹緲層雲壓遠岑  
端陽笑變作端陰  
雨多綠蘚緣塔  
厚溪漲蒼波拍岸  
深竹戶半關  
山色靜  
龍舟遙帶鼓  
聲沉詩情未減  
豪情健一斗蒲醪  
獨坐斟

山齋偶述

蒲青艾綠石榴殷  
好雨何心向雨慳  
書閣獨凭青嶂  
濕酒罇惟共白雲  
閑巖松歲老能盤  
錯谷鳥情多解  
往還欲洗浮生煩  
惱業人榮人辱盡  
無關

大女歸寧喜而有作

簷頭蚤鵲鬧喳喳  
如報薇兒欲到家  
絕倒錯喉兼噴  
嚏笑將何物戟爺牙

暝望

一山雨氣逼窗昏  
暝色迢迢已滿村  
歸燕雖還將主戀  
暗藤老欲作龍蟠  
榴花又上新詩句  
蒲節初殘舊酒尊  
那得高情如北海  
時時榻樹故人論

夜熱

夜氣忽然熱  
蕉衫汗欲蒸  
風沉濃外綠  
月度暗雲層  
舊怨消團扇  
餘醒息曲肱  
五更涼意滿  
還向畫闌凭

夏中漫成

古樹風多勢沸騰  
闌干閑向夕陽凭  
微涼不用尋方麴  
好夢何妨借曲肱  
客至近分紅葉甲  
僧歸遙度白

雲層浮生自有青天管莫笑頑軀百未能

霎時雜詠

入霎天氣半晴陰乍乍寒暄雨不禁屋角閑當松影  
埽籬心每任竹根侵庸庸卽是人間福莫莫纔成物  
外襟穩臥藤牀了無事客來好向夢中尋

南軒夜坐

繁蟲競響繞窗紗夜坐南軒逸趣賒月送桐陰侵菽  
座風傳荷氣到鄰家疎簾不禁流螢入短鬢從教隊  
露斜碎擊松肪勞小斧呼兒隔竹煮新茶

雨

急雨匆匆亂響加無端催暝到山家幾憎綠樹迎門  
暗誰分涼雲入戶斜漏似醍醐空灌頂泉非玉洞不  
流花關心坐檢鉏兼鉏擬待晴明欲種瓜

梅雨經旬

南山窈窕殷輕雷却枉迎梅作斷梅到處烟仍生碧  
樹何時雨始厭青苔惟將蠹簡銷殘睡懶把熏鑪撥  
冷灰多少池塘春草色遮吾似恐出門來

霽

滿壑風蟬噪樹涼亂雲飛散楚天長人凭小閣收殘  
雨鳥沒遙村隱夕陽繞郭千陂菱葉綠環溪十里稻

花香山光暮色閑相映湧出新詩不用商

霧中感作

怪鳥啼不止茫茫霧滿山氣非添瘴厲人自失冥頑  
日月壺中靜乾坤夢裏閑何須求服食省取利名間

夏至雨中作

佳時踰夏至一雨竟迎梅水面穿都破山眉鎖未開  
雲真成谷隱草已長蘭胎猶愛芭蕉綠新詩不吝裁

山中訪友

怕染世間塵悠然訪故人松遮深路古屐踐亂苔新  
翠密蟬何怨機忘鳥自親林扉常不掩坐送夕陽陳

斗酒成今晤  
瓜茄摘等閑  
炊分青石火  
夢結白雲關  
竹下非無士  
終南別有山  
從他明月滿  
夜夜唱刀鐮

引水

曲曲彎彎水一條  
騰坡葛澗引來饒  
源清那怕蛟螭  
恪谷靜何愁虎豹  
驕修處幾曾勞  
信行品時奚事鬪  
妖嬈只今飽  
煮家常飯滿  
耳琮琤入聽饒

銀杏樹

鐵色霜皮溜雨深  
沙崩徑仄絕人尋  
根穿厚地蟠成  
洞氣入高空  
鬱作陰靜鎮山川  
終有數閑經日月  
本無心想緣  
朽質孤繩墨  
未必兒孫重  
顏音

秋夕述懷

颯颯秋聲已在山，長空又見早鴻還。  
樓虛斗起懷人恨，肺病終憐向酒慳。  
遠色乍沉孤磬外，秋光遙映落霞間。  
詩緣任似朝飛雉，未肯閑招和子班。

晚晴得月

疎簾正捲梧桐雨，一片西風又夕陽。  
處處秋林初脫翠，家家竹簟盡迎涼。  
鴛鴦尚結三生夢，蟋蟀空爭百戰場。  
但對桂花成獨酌，歡歌吸徧月中香。

代壽東甌林某七十

係四月誕辰  
又家多姬侍

不挾飛仙問十洲，長年原屬古東甌。  
降生况與佛同

月平福從知天所庥賀盃由來多道氣錢鏗自昔擅  
風流如今莫把逋翁比只恐梅花見欲羞

故人林君直卿不晤已數載矣今秋蒙爲次聳  
事夜過適予微疾遂阻古歡令人悒悒不止  
去後作二律奉寄畧抒悶抱并申請約非敢

言詩聊以盡意云爾

共悉相違意靡他不祥應爲祝神呵此心儘覺明如  
月人世從教迅似波十載漫驚松竹老一生徒種蕙  
蘭多應門子拙君寧笑彼父原來不是坡  
蹇然足欲快談心造化無端忽又今幾度難消兒女



債何堪重負友朋簪秋來節物空如許老去鬚眉感  
不禁肯否慰吾離索况月觴飛遞桂花深

年來

年來詩思忒無涯  
長觸新愁舊又皆  
坐送風雲銷壯氣  
行迎水木湛幽懷  
囊空敢道金如土  
客滿爭禁酒似淮  
遙慨終南山色古  
幾真能盡此中佳

秋聲

秋聲蕭颯疑似雨  
開戶視之不知處  
但見明河倚樹上  
天驚起飛鳥亂啼曙

題陳球燕山外史後

陳生才力果無雙  
宋艷班香一筆扛  
若不神通具龍象  
那能獨口吸西江

大風雨

萬鳥奔飛<sup>雲</sup>歷亂迷風狂  
了不辨東西依依晚綠凌烟  
慘脈脈新紅殢雨啼  
打戶豈驚高士夢  
催詩如索野翁題  
只愁際此秋成候  
何可黃流浸稻畦

入夜作

徹夜狂飈亂打門  
簷簷飄瓦勢加喧  
轟隆直欲吹山倒  
瀕洞還疑接地昏  
我亦驚心何敢睡  
伊誰失色不銷魂  
惟羸屋漏痕長短  
那得人來對榻論

一改枉餘屋漏痕長

退

短聊與兒  
曹相向論

大風雨歎用老杜茅屋破韻

大塊噫氣怒且號撼山偃樹如披茅密雲載雨亂江  
郊上有洪濤突助松之梢下有濁流橫浸堂之坳田  
家正爾困無力那曉天公狼藉坐恣颶母賊黃雲萬  
畝縱披靡盡爭奈欲收收不得枉使面面相窺空歎  
息哀哉舉頭向天天無色頽雲依舊壓天黑况復驚  
飈利似鐵著木木折着石裂不知反風減雨有何法  
頓使雨風霎爾絕或者天矜望歲人卑污庶免陸沉  
徹只今憑誰頃刻呼龍歸潭間萬稻盡露生歡顏悠

然還我山南山嗚呼如果赤腰米滿人人屋卽作臣  
朔饑欲死亦足

又風水

世事悲難料天工感至公可憐將熟稻偏遇不時風  
上隴縱橫亂伍卿巨浸同只愁魚眾上暖處滿田空

並蒂蓮

不孕神人不幻仙此中妙合本由天請將杜老無雙  
果來續東坡未了緣照面休疑殘葉暗縈心莫被嫩  
絲纏從今更乞楊枝水願灑浮提盡處然

蚤起戲詠

過

樹靜眾蟬喜爭鳴報晴忙田家夜不眠亦起先曙光  
低田具畚鍤急急爬泥沙高田具腰鎌刈割交路旁  
我身愧疲拙日向壺中藏非不即田功惟甘事塗鴉  
勞力力不徧勞心心荒唐何如北窗臥還我傲羲皇

浪雨行

颶後快時晴如何又變浪奇雲不成峰竟作黃塵瘴  
田田亂縱橫誰能保無恙稻兮穀所依穀兮人所仰  
此際欲刈未刈心望天憑天天莫伏緩則恐生芽急  
則將安放卽至盼到穀歸家秋成尚且只半償堪嘆  
難銷苦樂哀村村奔走空丁壯願乞天公一月晴綠

章那得飛天上十雨五風本有期積算何妨先後讓  
陡副田家奢望情各各中田頌春釀甌篋滿篝汗邪  
車含哺醉把幽風唱本知稼穡屬艱難快晴尚未邀  
天貺枉自讀殘無逸書東山誰足蒼生望可憐沉浸  
徧高低天飽瘦魚孰捩橈卽言大地不愛寶穀滿淤  
泥等剽掠一田積至千萬田奇零問入誰家藏對此  
糴糶不能收憑高未望氣先喪何當到處盡登場稻  
積如山滅諸妄婦女盈寧父老歡充腸不獨侏儒脹  
從此非風非雨天念念憂勞敢相忘請看旦夕盤中  
餐粒粒苦辛皆此樣

退

刈稻了作

到處登場果似山相逢  
各各盡歡顏愁懷頓擯風雲  
外妄想旋符旦暮間  
眾瀑爭喧空谷靜涼蟬亂噪夕  
陽關秋成莫怨天年薄  
或有冬收倍爾還

風雨後戲吟

溜浸平田沒釣石  
驚飈瓦氣難降  
雖然拔盡牆東  
竹恰喜鞍山半入牕

雨後雜詠

雨過萬綠淨一鳩啼  
暮涼南風入披襟  
滿室荷花香  
却看竹園竹碧拆尚垂  
牆澗松恰當缺蒼翠  
搖斜陽

白雲倦歸壑不肯亂飛揚洩潭島間何知蛟蜃鄉  
且喜雨初止連峯競夕陽請留明日晴與人刈稻梁  
吾心本無涯飽外卽了事赤米既登場一笑足詩思  
前時殢雨愁今朝擁晴睡贏得滿園蔬依依掩蒼翠  
何當招故人相與月中醉

又大水

溪小難容水活活溢陂塘一望成巨浸萬稻沉青黃  
嗷嗷饑鴻聲愁迫向空倉高田或幸收低田未登場  
不分下重疊邂逅遭天殃卽教誅雨師無補此一方  
臨風三歎息悲歌成忼慷哀哉苦樂心如纏冰炭腸



把酒不能飲相視徒悲傷  
仰首向蒼天祈將我恨償

戲作秋吟

秋山秋又落秋氣生秋襟  
秋色滿天地秋雲空古今  
秋高風不極秋迥月無心  
坐對秋花好當秋靜獨吟  
北窗閑臥忽聽涼蟬群  
雜請賦率成四律遂以

蟬鳴樹間爲韻

萬樹綠如洗秋風吹涼蟬  
老子北窗臥聽罷意悠然  
聲寧來枕上耳自到聲邊  
坐悟無生法頭頭都是禪  
鳴秋本蟲性不獨蟬擅鳴  
高豈因風遠心真飲露清  
有能時警夢何樹最關情  
笑問濛濛外中容多少聲

殘書當隱囊錦幄借幽樹不分涼寒蟬疊催年光度  
雖非歐陽子援筆未能賦但請和忼慷慢勞舊愁訴  
那處送秋還依然滿樹間響沉容谷曙聲徹夕陽山  
但覺林逾靜何妨戶獨關兒今如愛我莫把酒罇慳

蟬

秋氣落空山秋蟬滿樹間深沉蒼翠合斷續夕陽閑  
一碧望無際孤高清真莫攀幾多聲外意都付白雲還

熱甚

熱氣蒸天地如爐鳥絕飛當心蟬噪日浹骨汗侵衣  
若箇乘涼坐伊誰負重歸寄聲長爪客莫怨食熊肥

又風癡

萬嶂混風煙蛟龍又上天直將河漢水重浸海鄉田  
憾極收殘稿愁深壞後阡可憐煉色石誰向漏中填

西窗

獨對西窗燭瀟瀟夜雨遲不禁秋夢斷無奈宿雲滋  
消息本非遠寸心終自馳憐他千里隔至竟若何思

絕句

萬古羲娥夜不停宵深愁續一燈青夢中作夢夢還  
夢到底浮生若箇醒

秋晴

一夜江城雨晴來喜不勝峰陰簷際落日影竹間升  
樹盡添蒼翠風疑掃鬱蒸遙看新雁至愈覺碧霄澄  
杳杳西樓夢秋高意不禁風寒雲渡遠日落雁湖深  
冷影飛何所微波去莫尋故人難得見况復故人心

晚霽獨遊溪上

溪亭落落草芊芊杖策閑遊霽景鮮極浦蒼茫伍晚  
照孤城淡澹帶殘烟風寒已任秋爲氣稻熟何堪雨  
送年且趁酒旗沽一醉由來愁不到尊邊

夜窗風雨驟至不寐詠此

溫

碧山千萬共周遭那怕風狂屋不牢  
江遠料無蛟蜃至夜深疑有鬼神號  
松藏物谷如雷輓石擁奔湍似浪淘  
獨坐長謠君省否明宵依舊月輪高

爲待

一羣幽鳥樂果爾乍開晴爲待歸人返  
還愁暮雨生夢終迷咫尺秋已落桃笙  
刺有西窗燭遲君話別情

一笑

別離終不慣老大問如何鳥惜雙飛燕  
花憐並蒂荷夢迴秋雨遠寒入曙鐘多  
一笑隨雲臥相期指渡河

暮晴

薄海有雷聲風消雨亦晴家家秋色淨片片暮霞明  
氣骨逢涼健襟懷入夜清乃知幽獨趣誰副古人情

次女蕙兒頗工繡戲作此以貽新婿程孔皆

古昔傳家蕙能爲織錦文吾兒名偶合竟亦綉超羣  
景色分圖畫針痕滅線紋戲聲新婿語須索學將軍

暑退偶述

暑退涼生爽莫言南山端可息精魂一泓井保開闢  
水萬宅田迷今古村鳳去竹空新間舊龍歸雲自吐  
還吞仙靈似恐人來往直遣苔封石洞門

山行

雨止岑苔滑山行向綠�水懸雙澗口雲鎖兩峯門  
日色斜高樹鐘聲散遠村飛鴉啼不住知尚未黃昏

雨中登樓

浩浩江皋雨登樓望渺然霧霾黃葉徑秋冷白鷗天  
坐送飛帆滅空懷滿月懸不知雲裡鏡何處照團圓

偶是

偶是登山去乘涼恣靜便聊成塵外賞遂作醉中仙  
古蘚青浮地深篁綠際天何當結茅屋就此樂餘年

大女壻王大中餽扁桃作此寄示

竟有桃形扁生來橘樣如種新傳爾宅名舊出何書

味好甘兼脆核空鑽與鋤核樹不可種以年年知不吝  
重寄慰饒餘

小樓月眺

月迥人何在迢然獨上樓遠懷空入眺孤興與誰酬  
節已寒中換山當象外幽閉關閑自適臥咏白雲秋

但覺

但覺佳期近雙星欲渡河雨收秋氣迫風送夜涼多  
葉看新梧下時驚蚤雁過所思終不見恨極竟如何

寂寂

寂寂憐遙夜天空望眼勞星沉河漢淡露滴竹松高



別夢孤長簾離心感大刀欲知情幾許都化淺深醪  
漫述  
歲華不怪亂蟬催但向清陰醉幾回累月儘忘大小  
盡愛蓮誰問淺深胎不疑始覺夫妻重何福能生子  
第才我已此心隨萬象閉關那敢傲蒿萊

暮望

碧澗水潺潺涼蟬急暮山烟浮漁艇遠竹隱酒旗閑  
暝色來鷗外秋聲落樹間塞鴻猶未至惟見白雲還  
荷花

坐我眾香國荷花作四鄰風吹涼意遠露洗逸情新

似火佛終幻如船仙亦陳驚鴻影休照恐惹宓妃嗔

秋河

古有乘槎客相傳遇女牛明河猶此夕逸話已千秋  
沒不隨雲滅清還拂曙流却憐坐相對高詠幾人留

醉吟

宿齡外物笑瞰名老去寧違物外情青山萬古不改  
色綠水千溪隨異聲顧兔當秋依舊滿吟蟬飲露自  
然清浮雲富貴吾何敢一味無能意便平

秋熱

寒蟬嘒嘒帶風道毒熱緣何又未收不分山川深瘴

氣那教河漢洗涼秋誰家玉骨清  
無汗若箇桃笙夢  
獨幽况復田田黃似燒  
怎禁對此不生愁

秋夜露坐

碧宇沉沉月半明  
長河隱隱帶星橫  
乍愁露下芙蓉冷  
誰警秋催蟋蟀鳴  
砧裏空傳征婦思  
笛中那恁去鄉情  
據牀且擁涼颼坐  
一任孫溪樹有聲

雷起不雨

密雲不肯雨薄暮尚雷聲  
鳥去衝崖黑人歸  
趁路晴熱難傾  
漢洗涼欲御風行  
堪嘆田田稻  
怎憑一雨生

倚樓

雁來燕去恨悠悠依舊西風獨倚樓  
松樹黑沉雲谷雨蓼花紅入水鄉  
秋銜環枉自憐黃口攬鏡從人笑  
白頭怕聽鳴鳴村塢笛吹愁不散  
迥生愁

秋夕登樓

危樓得得減炎蒸况更風涼興可乘  
地迥果然添氣爽天空真覺入宵澄  
烟收遠岸開漁屋木落前山露佛燈  
莫怨暝昏遮望眼蟾光已向海東升

蘆花

綠節亭亭比竹園葭蒼葦白共因  
依花芬何似春江絮亂撲漁舟作雪飛

蓼花

占斷江鄉水國秋  
縱橫紫綠亂沉浮  
花開穗穗真如  
了應笑愁人沒了愁

海棠花

短節孤生碎石蹊  
無根能化意終迷  
至今滴滴相思  
淚依舊迎秋帶露啼

雞冠花

細剪紅黃紫白纓  
秋來變化有餘清  
須知儘使司晨  
懶總不勞君叫不平

木芙蓉花

芙蓉木末爛如霞  
朵朵高拳醉日斜  
那得丹青千里  
筆爲吾迨遞寫仙家

玉簪花

短條粗葉重經秋  
白玉簪成帶露流  
這想美人春夢  
醒幽香恰恰伴梳頭

素馨花

分將好種自花田  
夜夜能開倍可憐  
最是難忘人醒  
後殘芳拋亂枕函邊

桂花

皎皎長空月滿輪  
涼颼吹散桂華新  
如今不復參金

粟但乞花前作酒人

菊花

南山爽氣落衣襟又見黃花似散金  
繞徧東籬還自賞憐君能悉老夫深

紫薇花

涼陰深護讀書堂坐教群雛也自忙  
笑指紫薇花樹問就中可有紫薇郎

木槿花

枳刺新菱縛槿籬花開紅繞舊柴扉  
由來不作浮雲想那向枝頭悟是非

月季花

幾回竹外伴梅斜  
幾度烟中鬥杏華  
誰識芳叢滿園  
角長春能放四時花

金錢花

炭扇陰陽地作鑪  
鑄成了不用錢模  
可知山下田荒  
盡却問金商解濟無

牽牛花

滑滑籬根露未收  
曉風殘月見牽牛  
不知繭降緣何  
事未免重添織女愁

凌霄花



天矯凌霄欲化龍  
花開裊裊蔽高松  
要知立志無強弱  
莫謂間奇氣獨鍾

剪秋羅花

片片雲峰已化羅  
剪刀誰爲剪絨窠  
涼秋不少奇花卉  
到度輸伊耐久多

洛陽花

西風吹冷洛陽塵  
幻入枝頭錦鬥新  
休感滿園秋色老  
十年幾換看花人

蕙花

春風曾泛伴蘭光  
秋日清揮復自芳  
那得畸田三百

悔一生不悔藝君忙

蘭花

露洗風梳葉葉青  
秋來未肯讓春馨  
年年謬欲稱騷客  
只恐花心笑不醒

夜坐

悄悄空山夜氣幽  
柴門蟲語草根秋  
貧來不厭惟風月  
老至無能任馬牛  
桂滿難趨仙佛悟  
田荒易起稻梁愁  
側身天地歌何極  
重露涓涓枉自流

中秋同汝舟叔澹齋任王大中程孔皆二倩賞

月作

萬里織雲絕點污，水輪如補數年魚。悠悠直照大千界，悻悻何知小丈夫。霜鬢染殘休拔白，唾壺敲缺且歌烏。回頭笑約重陽近，泛菊看山興莫孤。

村居

不乞高僧一把茅，故居原在郭西郊。雖無鮑叔稱金友，幸有陶泓號石交。數頃田荒餘雁鷺，連峰樹古走龍蛟。秋來况遇宵宵月，獨詠新詩帶醉敲。

蚤題齋壁

竹光掩映古牆疎，恰恰東山日上初。紅桂花猶涵露濕，碧梧葉自帶蟲書。溪澄坐照秋容老，菜秀行登晚

食餘還顧此生知有幾不須重問少游車

重陽與客登高

疊疊屏風樹未黃  
攝衣與客上層岡  
峰回雁影迎人落  
海近潮聲逼坐涼  
萬古天皆憐好日  
空山菊盡趁重陽  
明年此會從何似  
醉把芙蓉笑一場

九日登高望見故友別墅感作

半頃田荒絕粒收  
替人替己兩生愁  
黃花自放陶淵徑  
皓月空沉庾亮樓  
此日看萸憐徙在  
去年懷舊感生浮  
茫茫滿目悲貧賤  
把鐵憑誰鑄麥舟

秋夜與友話

退

早月斜林已二分寒蟲滿壑不堪聞掩關莫怪新知  
少居易休憐舊業貧但擬離騷歌落葉焉能富貴比  
浮雲當年阮籍名千古未敢猖狂繼後塵

坐月

月映半軒明秋懷夜倍清花光涵露氣葉響雜蟲聲  
乍起登臨興還深吊古情詰朝攜好句咏徧嶺雲平

秋暮

日日暮霞明天高秋氣清燕游如客戀鴻已趁宵征  
老圃空咨雨遊人不厭晴群山無限好渾似促詩情

重陽後數夜對月作

賸有重陽酒幾螺不妨見月坐高歌殘田劇喜餘蟲  
稻冷巷何須感雀羅那處室微和氣滿誰家人中薄  
寒多茱萸細看還私祝只願宵宵健莫他

至王婿家作

群山匝西鬱蒼蒼如引肩輿入勝場一片夕陽迷雁  
蕩千村秋色露人家長河渺渺連天碧晚稻油油徧  
地黃笑問婿門知不遠荆峯端已候三義

西閣晚眺

荆溪山勢俯噴岼小閣初臨喜恣觀村落萬家紅樹  
晚野塘一帶白蘋寒長松遠繞荒祠古冷磬閑傳隔

嶺殘滿眼詩情收不盡何妨留取後來看

門外閑望

平橋流水夕陽斜獨立柴門送暮鴉  
雷斷錢倉孤塔露峰迷鐵嶺亂雲遮  
沿塘鳥盡飛鳴絕隔竹漁歸笑  
語譁且喜連村稻新熟飯香粥滑兩魚沙

對月

海風如掃海山雲淨擁迢迢月二分  
夜迥喜逢蟲響靜罇開還對菊花紛  
回塘漠漠魚頻躍古寺踈踈磬乍聞  
不是不能攜謝白只愁有鬼唱秋坟

暮閣晴望

落日亭亭暮雨收  
獨登孤閣賞高秋  
紅霞色迥明千  
里紫蓼花深滿十  
湫萬畝田腴肥蠟  
稻群山暮古老  
松楸何當養取筋  
骸健雁蕩仙姑一一遊

題書齋壁

曲院迴廊靜不譁  
力田原屬野人家  
土甌茶煮荆溪  
水泥徑菊芬彭澤  
花寺近何須問龍  
象河深亦自足  
魚蝦老夫意念如  
王蠋惜福非關惜  
齒牙

晴遊

萬寶初收喜滿村  
閑遊况復是晴暄  
天溫草樹經冬  
茂海近風濤徹耳  
喧處處綠塘足  
蘭茝家家啟  
莖散



雞豚百年粗糲須深惜莫負詩人老瓦盤

村西游詠

半生落拓復何論且此清遊日未昏  
四面雲山真似甕數家水竹亦名村  
風霜頓詫新寒悄氣候多欣故物繁  
即使沈腰消瘦甚不須鄒律更吹暄

雨

小閣凭涼雨蒼蒼海氣昏孤帆迷極浦  
遠雁落荒村樹盡迎秋濕堤初減水痕  
沉沉對遙塔危坐欲忘言

秋樓坐雨

日隱高樓簾獨捲河千秋思迥難裁白  
蘋香入新詩

句紅葉聲沉舊酒杯野鶴喜看雲外至孤蓬誰作雨  
中來何當乞得遊仙枕一踏三山便不回

回自婿家

欸欸籃輿步不停四山遙送入坡青河流萬古還終  
古客過長亭自短亭楊柳向人空老大夕陽穿徑總  
瓏玲回頭三十年前事咫尺如何似夢經憶少時有  
指已三瓏玲十年矣

秋暮即事

積雲四合際天遐撼谷風寒警曙鴨已判朱顏凋綠  
英聊温白酒慰黃花荒園葉響還疑雨老樹藤纏尚

温

有瓜堪歎不時田盡蝕難艱誰爲問農家

雨望

寒雲入戶雨侵衣在在幽裏禽帶濕飛樹外孤蓬衝霧  
去田中野客荷鋤歸紅心乍看薑牙潤綠意新添菜  
甲肥坐聽前峰宣晚梵茅庵送度磬聲微

夜雨

坐聽鷄初唱蕭蕭夜已遲雨聲隨葉落山氣帶雲滋  
遠曙光微白新寒力莫支幾看松柏樹曾是被霜欺

曙寒

眾鳥忽遲語曙光殊自寒芥孫當雨綠鴉舅看霜丹

但愛蒜同長誰憐楓並殘流年知不借好自勸加餐

戲詠硯

硯本聳家物索來毋乃貪未知能解否句助此中探

月下漫吟

冷月溶溶上碧窗空山夜靜絕喧虬蕭蕭葉共秋聲  
盡漠漠寒隨霜氣降影落真看同菊澹雲沉竟不礙  
鐘撞千秋意想起諸有欲續東坡水調腔

幽居

黃鴉穀穀雨踈踈欲遣幽懷坐掩書風竈茶芬殘醉  
後洞房炭熾暮寒初時澆芍藥將春待每種梅花帶

月鋤不似邯鄲晚  
妄夢游仙惟是乞飛車

對月

寒山環匝宿雲霾  
蚤月含珠照小齋  
幾樹清芬呈佛手  
一牀冶逸滯仙骸  
誰真好酒甘成甕  
若果多情願作鞋  
且是坐銷今却後  
幽光莫負好生涯

麗木落燕山暮色來錦騎華軒迷巷陌羅帷秀幙護  
樓臺千秋萬歲皇王業須念艱難景運開

月落空庭砧杵鳴漸兼林木作秋聲半生習讀歐陽  
賦九辨誰悲宋玉情鴻雁稀傳南國信風烟近接北  
平城典章文物天王地肯使無虞動甲兵英雄輔世  
八風清老我悲秋感慨并擊楫祖生曾自誓出師諸  
葛竟何成制科選

溫州府

行脚悠悠半入荒絕奇誰似海東鄉滿川綠水圍森  
聳一點青山壓渺茫岸北岸

四

不

河

理

荒木落燕山春色未歸騎華軒建卷心羅

樓臺千秋萬歲皇王業願念艱難兼運開

月落空庭木鳴漸兼林木作秋聲半生習讀歐陽

賦九辨誰悲宋玉情鴻雁稀傳南國信風烟近接北

平城世章文物在王地肯使無虞勅甲兵英雄輔世

公及清老我忘秋賦并學耕祖生曾自誓出師諸

葛竟何成刻科

知

聲一濕青山望城雲霧北岸

江柳幾幾羊入荒餘首難以我東聯嶺川結水圍森

退